



Avontuur na NAMIBIË

*Van sandduine tot sterrehemels – beleef die mooi van
Namibië saam met Namakwa Toere!*



Toer Inligting



Vertrek: Kaapstad

Eindig: Windhoek

Styl: Luukse busvervoer & Hotel/Lodge Akkommodasie

Verwysing: NAM4

2026 Toerprys:

Deeltarief (per persoon): R51 500

Enkeltarief (per persoon): R59 500

2026 Datum:

NAM4/1: Wo. 18 Februarie – Ma. 2 Maart

Ingesluit:

Eenrigtingvlug ingesluit
(WDH na ORT/CPT)

12 nagte luukse akkommodasie

Geregistreeerde toergids

Busvervoer

Toegangsgelde soos aangedui

Etes soos aangedui

Uitgesluit:

Middagetes

Fooitjies

Drankies

U paspoort moet asb SES maande of langer geldig wees.

Deposito van R10 000 (per persoon) betaalbaar 14 dae na bevestiging van besprking. Balans betaalbaar 60 dae voor toer vertrek.



Avontuur na Namibië

13-dag Namibië toer vanuit Kaapstad na Windhoek

DAG 1: Die eerste dag van ons toer vertrek ons die oggend 09:00 vanaf die verskeie optelpunte in Kaapstad. Ons reis na Vanrhynsdorp waar ons die eerste aand by Namaqua Lodge in Vanrhynsdorp oornag.

Ingesluit: Aandete

DAG 2: Ons vertrek vanaf Vanrhynsdorp en kies hiervandaan koers na Vioolsdrif-grenspos. Afhangende van die tyd wat dit ons neem by die grenspos, gaan ons die namiddag 'n draai by die Visrivier-canyon uitkykpunt gaan maak. Ons oornag by die Canyon Village.

Ingesluit: Ontbyt & aandete

Ingesluit toegangsfoo: Visrivier-canyon

DAG 3: Van hier af reis ons na Aus. Die roete wat ons neem hang alles af van die padtoestande.

Ingesluit: Ontbyt & aandete

DAG 4: Na 'n heerlike ontbyt by Klein Aus Vista, vertrek ons die dag na Kolmanskop waar ons 'n begeleide toer gaan mee maak. Van daar gaan ons na Lüderitz om die bekende kUSDorp te verken. Ons keer terug na Aus en hoop om die wilde perde van die Garubvlakte te sien oppad terug.

Ingesluit: Ontbyt & aandete

Ingesluit toegangsfoo: Kolmanskop

DAG 5: Van Aus af kies ons die hasepad na die Namib-Naukluft Nasionale Park verby Helmeringhausen, of ons draai dalk af op die D707, as die pad ons toelaat, na Sossusvlei area waar ons die volgende twee nagte bly.

Ingesluit: Ontbyt & aandete

Ingesluit toegangsfoo: Namib-Naukluft Nasionale Park

DAG 6: Vandag lê ons besoek af by die asemrowende en skilderagtige Sossusvlei in die Namib-Naukluft Nasionale Park. Dis hier waar ons die oudste duine ter wêreld, met 'n roes bruinrooi kleur gaan besigtig. Die eindelose skoonheid en mag van die duine betower jou met die raaiselagtige "fairy-circles" wat hier en daar te voorskyn kom.

Ingesluit: Ontbyt & aandete

Ingesluit toegangsfoo: Sossusvlei

4x4-rit na Dooievlei is uitgesluit (R250 per persoon)

DAG 7: Ons volg vandag 'n roete deur die Khomas- en Erongo-streke na Duin 7 en Walvisbaai, waar ons ook die flaminke te siene gaan kry. Van hier af vertrek ons na Swakopmund waar ons drie nagte by Bay View Resort te Langstrand gaan vertoef.

Ingesluit: Ontbyt & aandete





DAG 8: Vandag verken ons Oasis Goanikontes, die Maanlandskappe en Welwitschia-plant. Die betowerende ligeenvelde is ook 'n "moet sien" op ons roete. Na die roete is daar 'n kans vir u om te rus of om op u eie Swakopmund en Walvisbaai te verken. 'n Lys van opsionele aktiwiteite sal aan u voorsien word waaruit u kan kies voor die toer.

Ingesluit: Ontbyt & aandete

Ingesluit toegangsfooie: Maanlandskap & Welwitschia-velde

Uitgesluit: Enige ekstra aktiwiteite in Swakopmund & Walvisbaai

DAG 9: Vandag het julle die dag vir juiself om Swakopmund te verken. 'n Lys van opsionele aktiwiteite sal aan jou voorsien word.

Ingesluit: Ontbyt & aandete

DAG 10: Vanaf Swakopmund vertrek ons noord na die Oshikoto-streek en Etosha Nasionale Park. Hier gaan ons vir twee nagte in die Okaukuejo Rusoord deurbring. Ons kies die kamp vanweë sy fantastiese watergat waar jy tot laatnag diere kan sit en besigtig.

Ingesluit: Ontbyt & aandete

Ingesluit toegangsfooie: Etosha Nasionale Park

DAG 11: Vroegoggend gaan ons deur die park op 'n wilbesigtigingsrit, tot ongeveer middagete. Wanneer ons terug is, kan u middagete by die rusoord geniet. Hierdie rit is opsioneel en nie verpligtend nie. Na aandete en deur die loop van die dag, kan u enige tyd na die watergat in die oord gaan om na die diere te gaan kyk wat na die watergat kom om te suip.

Insluit: Ontbyt & aandete

Ingesluit toegangsfooie: Etosha Nasionale Park



Let asseblief daarop dat toegangsfooie, soos aangedui onder daaglikse beskrywing, ingesluit is. Ons behou ook die reg voor om die program te verander indien nodig.

DAG 12: Na 'n heerlike ontbyt, vertrek ons Etosha Nasionale park om die aand in Windhoek te wees waar ons by Arebbusch Travel Lodge oornag. Soos ons by Windhoek aankom, sal ons ook by 'n paar besienswaardighede stop.

Ingesluit: Ontbyt & Aandete

DAG 13: Hier eindig die toer. 'n Vlugkaartjie terug Suid-Afrika toe, vanaf Husea Kutako Internasionale Lughawe, is ingesluit by u pakket. Indien u langer in Windhoek sou wou bly, kan 'n alternatiewe datum vir die terugvlug bespreek word.

Ingesluit: Ontbyt



Belangrike Inligting

Enkelakkommodasie is beskikbaar, maar daar is slegs twee kamers per datum beskikbaar. Kontak asseblief eers ons kantoor voordat u voortgaan met 'n enkelbespreking, sodat ons kan seker maak daar is 'n kamer beskikbaar. Stuur gerus 'n e-pos na info@namakwatoere.com of bel die kantoor by +27 (0)27 2191633.

Enkelkamers kan altyd na dubbelakkommodasie verander word indien u iemand sou wou saamnooi. Geen administratiewe kostes sal gehef word nie; slegs die dubbelfooi per persoon. Die verskil tussen enkel- en dubbelakkommodasie (indien reeds betaal) sal aan u terugbetaal word. Wanneer u 'n vlug wil bespreek op dieselfde dag waarop die toer eindig, kontak asseblief die kantoor vir 'n tweede mening oor die tyd wat u die vlug wil bespreek.

Ons help graag met vlug besprekings asook betaling van die vlugte – kostes R250 pp vir bankkoste en administrasie fooi. Hierdie vlugte sal bespreek word na ons deposito ontvang het. Die kostes van vlugte asook die R200 per persoon is ook onmiddelik betaalbaar na bespreking voltooi is en u die kaartjies ontvang het. Neem asseblief kennis dat ons nie vlugte teen u goedkoper tarief kry nie, daarom is u welkom om alle vlugte self te bespreek.

U paspoort moet asb SES maande of langer geldig wees.

Ons by Namakwa Toere doen ons bes om die toerprogram so stiptelik as moontlik te volg, maar indien onvoorsiene omstandighede opduik, kan ons die toerprogram aanpas soos nodig. Ons dra altyd ons toerlede se beste belange op die hart ten einde aan hulle 'n onvergeetlike vakansie te bied.



Namakwa
toere



Padtoestande en Infrastruktuur in Namibië

Die paaie in Namibië en deur Afrika is baie keer in 'n swak toestand, wat baie swaar druk op ons voertuie plaas. Ons het baie vertroue in ons voertuie en ons maak seker dat ons alles in ons vermoë doen om te verseker dat alles goed verloop. Ons kan ongelukkig nie alle onbeplande situasies voorkom nie. Baie van die paaie wat ons ry, is ongeteer, vol slaggate en nie juis die gemaklikste roetes nie. Ons weet dit kan vermoeiend raak, maar die paaie lei ons op die ou einde na ongelooflike plekke.



Mediese Inligting

Reisigers, oud en jonk, word versoek om in 'n goeie gesondheidstoestand te wees om ten volle aan die toer te kan deelneem. Ons verwag van alle toerlede om deeglik deur die program te lees en self te besluit of u aan al die aktiwiteite, soos in die program aangedui, kan deelneem. As ons toergids en bestuurder dalk op enige stadium van die toer van mening is dat enige van ons toerlede nie meer aan 'n aktiwiteit kan deelneem nie, behou ons, die reg voor om u van die aktiwiteit en/of die res van die toer – sonder enige terugbetaling – te verskoon. Die nodige dokumente sal deur ons kantoor verskaf word om terug te eis van u reisversekering. Ons stel ook voor dat elke toerlid sy/haar eie noodhulpkassie met die nodige voorraad soos "rehydrate", ekstra leesbrille, karsiekmedikasie en ook diarree-medikasie saamneem.

Reisversekering

Ons beveel sterk aan dat u reisversekering uitneem vir u toer. Ons werk saam met TIC (Travel Insurance Consultants) en u is welkom om ons kantoor te kontak vir 'n kwotasie.

Drinkwater

As 'n reël aanvaar ons dat alle water wat uit 'n kraan kom, ondrinkbaar en nie geskik vir menslike gebruik is nie. Dit mag minerale en bakteriële bevat waaraan u gestel nie gewoond is nie. Dit kan tot ernstige ontsteltenis, ongerief en siektes lei. Dit kan sonder twyfel u hele toer versuur. Omtrent al die fasiliteite waarvan ons gebruik maak, verskaf veilige drinkwater op 'n daaglikse basis. Bring gerus 'n waterbottel saam wat ons beslis vir u gaan vol maak.



Hoekom saam met Namakwa Toere?

- Ons is 'n familiebesigheid en is reeds sedert 1985 in die toerbedryf.
- Ons toergidse is van die bekwaamste, hulpvaardigste en vriendelikste gidse wat u ooit sal teëkom.
- Elke toerlid se persoonlike behoeftes vir 'n toer word persoonlik deur ons opgeleide personeel hanteer.
- Daar is geen gejaagde toerprogram nie! Ons busbestuurder is saam met u met vakansie en is nooit onder druk nie.



Wat gebeur as Namakwa Toere die toer kanselleer?

- Die toer is onderhewig aan 'n minimum van 10 persone om plaas te vind.
- Namakwa Toere onderneem om sover moontlik, geen toer te kanselleer nie. Indien dit ooit sou gebeur dat ons 'n toer moet kanselleer, is ons bereid om al die geld wat u reeds betaal het, oor te dra na enige ander toer van u keuse of na die daaropvolgende jaar (uitsluitend die nie-terugbetaalbare deposito en bankkoste).

Hoe bespreek ek?

- Wanneer u besluit om te bespreek, vul die besprekingsvorm in en stuur dit na info@namakwatoere.com. 'n Skakel na die aanlyn besprekingsvorm is ook beskikbaar.
- U sal 'n toerverwysingsnommer tesame met Namakwa Toere se bankbesonderhede ontvang. Hierdie verwysingsnommer moet asseblief ingesleutel word by 'begunsdigde verwysing'.
- Na ons u bespreking ontvang het sal ons die reëlins tref soos aangedui in u vorm.



Hotelverblyf voor of na die toer



City Lodge – Grand West – Kaapstad – Vertrek 09:00 (3 ***)

Enkelkamer: R2 025

Dubbel/Twin-kamer: R2 275

Ontbyt: Volledige ontbyt ingesluit (06:30–09:30)

Middag- en Aandete: Geen restaurant op perseel. Verskeie by Grand West Casino

Pendeldiens: R350 (+R30 p.p. ekstra)

Parkering: Gratis (langtermyn beskikbaar)

WiFi: 15 minute gratis – ekstra koopbewys beskikbaar

Tel: (021) 535 3611

Arebbusch Travel Lodge – Windhoek – Vertrek 08:00 (3 ***)

Enkelkamer: N\$ 1 175

Dubbel/Twin: N\$ 1 470

Luxury Enkel: N\$ 1 557

Luxury Dubbel: N\$ 1 947,50

Ontbyt: Volledige ontbyt ingesluit (06:30–10:00)

Middag- en Aandete: Beskikbaar by restaurant op perseel

Pendeldiens: N\$ 350

Parkering: Gratis

WiFi: Gratis

Tel: +264 (0) 61 252255



*Alle akkommodasie moet deur Namakwa Toere se kantoor gedoen word om te kwalifiseer vir tariewe soos aangedui.
Vlugte: Kontak ons vir pryse en tye
Reisversekeing: Kontak ons vir 'n kwotasie
Kontak ons kantoor vir die besprekingsvorm of vir die aanlyn besprekingsvorm*



Gesels met ons!



027 219 1633



info@namakwatoere.com



066 385 4653



www.namakwatoere.com



www.facebook.com/namakwatoere



@namakwatoere



@namakwatoerenamaquatours6758

